

"Kunnafoni ye jiriba ye min suma te se kunnafonibali ka so"
(Seku Umaru Kuyate)

KALAMENE

Kunnafoniseben min be bo kalo o kalo ka jesin duguw n'u
sigidaw ma u ka netaa sira kan. Boko wonlonwulanan, Zanwuye1993

songo: sefa 20

CAURIS

An ka foli

ne 2

Musa TARAWELE n'a nokan mogow ka kiri


ne 3

An ka jamana koronyanfan gelcyaw

ne 4

nugu nafa...

ne 5





JONI BE MALI DON?

Mali donni

An ka foli

San yelema in na, foli ka kan ka ke maliden bee lajelen ye : minnu be Mali kono ani minnu b'a ko kan. O foli nesinnen don kerenkerenyala mogow ma minnu be hamni ni malidenw ka netaa ye, n'oluyejamana dimibolo n'a baara sen ye.

An kan b'aw senekelaw, bagan maralaw, monnikelaw ani maliden baarakela were minnu ye faso netaa kanu jira n'u baarakel bolo a n'u miirinataw ye.

Tine don, a be fo wajukelaw feko soroye Ala ka latige ye, nka Ala be hine mogola min b'a ka n'enamaya n'enini baara ke.

An balima monnikelaw, bagan maralaw, senekelaw ani faso kunnawolo baarakelaw, an ka Maliba ye don caman janjon ke, nka hali bi, janjon werew be kofe ka na n'olu donbaga te teme aw kan; barisa mogow were te n'aw deme aw ka mogoya sabatili sira kan.

O la sa, an b'aw fo ka ta kunnu na fo bi ni mogotogow ye mogow minnu kera u ka n'enamaya kono nin jamana koroba in kalamene ye :

An b'aw sogomadala fo ni Sunjata Keyita togo ye.

Ni togo te fen were ye fi be min t'i ko, manden mansa kera sonjogonye mansake ye.

An b'aw tile fe fo ni Alimami Samori Ture togo ye.

Wasulu mansa kera

Tilenneya mansa ye fo nansaraw y'a tamasiye ke tilenneya ye.

An b'aw wulala fo ni Laji Seku Umaru Talitogoye n'o ka mansaya nesinna Dine kele ma. Ale de y'a don ka fo hadamaden ma dafa. O la sa, an ka kan ka nogon njanan kun.

An b'aw suf fo ni Modibo Keyita togo ye n'ale ka faamaya kuntilenna kera jonya juru fonili ye ka bo malidenw la katilak'usutura ni yere mahorona tali ye.

An b'aw weele, aw minnu ye faso so cemance jiri ye walasa nin mansake folenw ka kewalew ka ke misaliw y'aw bolo n'enamaya kono. Nin yoro la, an b'aw hakili jigin kumaw la minnu fana b'an ka maakorow ka n'enamaya kuntilenna jira : «Ni cebakoro siranna, a joyoro be dogoya».

«Mogoya ye kewale ye».

«Miribaliya ma na kolon min sen, miiri de b'o datugu».

«Joyoro te cebakoro la, f'a yere ma na min jini».

«Musoya ma fo, ceya ma fo, jogo numan tigiyia de fora».

O la sa, faso den numanw,

aw ye wuli k'aw sigi, n'aw dalen don; aw ye wuli k'aw jo, n'aw sigilen don, barisa dali ni sigili te fen min ne, joli de b'o n'enabo. N'an ko joli, joyoro fa de ko don.

O fana te se ka waley a n'aw m'aw ketaw don walasa aw ni fen min ka kan, aw k'o soro n'enamaya kono.

Kalamene kalanbagaw n'a

afasabagaw, nin y'aw ka foli ni tanuli ye san kura in

na. O la sa, an be yafa jini k'aw fe filiw la minnu kera kalamene boko temelen na. An balimaw k'an sooni.

Seku Umaru Kuyate
Kalamene sebenbaga (Bamako)

Yeleko (Terice saba...)



Don bee n'a duguje kan don. Sorodasi koro Njolo n'o ye Sunkalo siginogon ye, ka so binna kono dimi bolo :

koro, o n'a nogonnaw la, weele de Seku Umaru Kuyate, tun be bila muso ma min ma ce were don a furuce ko; a ka na i sago so kunna walasa a be kene ya. Jamadalaje dunungosilen, dugue n'a muso ani denmisennin n'a mogoo koro baw ye nogon soro fere la.

Dugutigi togo la, jelikemogo ye kuma ta k'a ne corolento Najugu la :

- Sinijesigikaw, dugutigi ko wooroden tan k'a da tulu filen kelen kan ani musoro dira muso ma min ma se ka Njolo ka so lawuli. O folen kera n'ogon ne dafile ye musow bolo. Jelikemogo y'i taama ka nesin Najugu ma k'i kanto :

- N ka muso, bi y'i ka don ye de !

- Najugu k'o la :

- Kene min kan, ni n koro Sanata, ani n Ba Kamaje ani n Tene Taje ani n Mama Kooto m'u joyorow fa, ne Najugu na kun te yen.

Jaa ! Mama Kooto ye Najugu kumakan men. A ko :

- Eee ! Moden muso, hali bi, e ma da ne ka taafe bolo seli la wa ?

- Eee ! Idafe ni bolo, ko di e be yeeli ke....? O ye tukubaganti koro Najugu kan ye.

Hali a ma tila kuma la, muso denmisennin do ko :

- Sinijesigikaw, ne Saran cejugu b'a fe aw ka yamaruya kono ka n Sanga Njolo ka dafeje ma.

Saran cejugu y'i sen folo fili k'a b'i pan, so gorobasato n'a wulila. Jamana kulela n'a togo ye : Saran ! Saran ! Saran ! Saran cejugu y'a jini cew fe ko muso laadiriy k'u numan bolo koro. O folen, Najugu y'a bolo koro ka nesin muso min kelen don k'a den bamu i na fo a be k'a bolo koro kasoro, a nesinnen be muso den na. Najugu k'o tugubagantiya kolosira jelikemogo fe, barisa a y'i kanto :

- N'a fora k'o fulaw, Yoro ko te.

- N'a fora ko bolo koro, den nena je ko te. Sinijesigikaw n'i ye mogoo saba nato ye yoro jan, min ka fini ka jni, i be k'o de fe. N'dgerela i la, min ce ka jni, i be k'o de fe.

Nka ni n'u be nogon kan, i be tugu jogo numan tigi de ko : Jelikemogo ka kuma bena falen mun na ?

N' Ala sonna ma, an ben'o nefs kalamene boko nata la.

Seku Umaru Kuyate
Kalamene sebenbaga Bamako



KIBARUYAW

An be don min na ko bi, kibaruya caman de be dijé kono. O kibaruyaw kelen kelenna bëe n'u nacogo don, an'u waleya cogo don.

An ye minnu soro k'o d'aw tulo kan, olu file :

MALI

An ka jamanaden 1684 nana ka bo Saralon jamana na :

Maliden 1684 nana ka bo Saralon ka na Mali la. Mogo 285 nana sanfè kulun na, 1399 nana mobiliwla. Gufereneman joran'u ka seginniye faso kono. Nin Malidenw tun b'u dahirime ninina Sefadugu n'o be Kono mara kono.

Malidenw dörön te Sefadugu, barisa Ganbikaw, Gineyén anijamana wëre denwbe yen. Saralon mogo murutilenw de binna dunanw kan, k'u ka nafolo bëe miné u la ka tila k'u gen. kabini o kéra, an ka jamana lasigiden min be Saralon faba kono, o ye fëere tige walasa an balimaw ka se ka faso soro ni nogoya ye. Jininkali min b'an yëre fe, o ye : Gufereneman bëna mun ke walasa an balima ninnu be se k'u ka bolo fenw soro ?

LAKOLI KO GELEYARA :

Kabini walani bila folo ma se fo ka na se bi la, lakolidenw ma kalan ke, kérénkérényala Bamako kono.

U ka ban in kun ye wari ko ye n'a be fomin ma koburusi, u ka yélémalí yélémalí kalansow ni nogon ce an'u dumuni ko n'a nogonnaw.

Zanwuyekalo tile 16, kalanso minisiri, Baba Hakibu Hayidara ni lakolidenw n'u mansaw ani lakoli nemogo bëe ye nogonyeba do ke, walasa ka fëere numan tige lakoli ko in na. Yannio ka ke, Baba Hakibu Hayidara ni politikiton nemogow fana tun ye nogonye do k'a ko kan.

Sibiritemelen Zanwuyekalo tile 23 lakolidenw ka minisiri ni Lakoli karamogow fana ye nogonye do ke. An be don min na ko bi, Gufereneman ni

kalandenw ma se ka ben kan kelen na.

An ka jamana jagokelaw ka gerewu :

Nowanburukalo tile 28 an ka jagokelaw tun y'u ka baara lajo k'a sababu ke gerewu ye. U ka gerewu sababu ye gufereneman ka jagoko sariya latimebaliya ye. Utun ye tile 3 de fo k'u t'e baara k'o konona la. Nkagerewudanna tile kelen ma k'a sababu ke geleyaw ye minnu be jagokelaw yërew ni nogon ce.

Musa Tarawele n'a nokan mogo ka kiri :

Nin y'a kalo fila de ye Musa Tarawele n'a nokan mogo be kiritigelaw ka bolo kan.

Sisan, kuma be awokaw de bolo walasa sorona min kéra u la u ka se k'o dafa.

tarata don ani Alamisa n'o ye zanwuyekalo tile 19 n'a tile 21 kuma tun be mogo joginnenw ani mogo salenw ka awokaw bolo. U bëe y'a jira ka fo ko Musa n'a nokan mogo de kera fagali sababu ye.

Manasa DAJOKO n'o be jamana sariya latimeli wajibi, y'a jira kun min na sariya ye Musa n'a nokan mogo miné. K'a ta juma Zanwuyekalo tile 22 san 1993 soggomada fo lansara tile kofe, Manasa y'a jira ko Musa Tarawele ka fanga kera : mogo faga ni mogo toro fanga de ye, barisa a ko k'a ta san 1968 don f'a mine don, fagali, joginni, binnikanni ani toro ma kötigé.

Mogo minnusara kasobon kono : Yoro Jakite, Modibo Keyita, Cekoro bagayogo, KisimaDunkara, Ibirahima Li an'a nogonna caman.

Lakoliden minnusara kasobon kono : Abduli Kamara n'a be f'a ma ko Kabarali, Ibirahima Cokari an'a nogonna caman.

Ala ye minnu kisi : Karimu Danbele, Mamadu Kiyabu, Sedu Bajan Kuyate, Mamadu Gologo, hali Sidiki Jara min be Musa tarawele n'a nokan mogo la, o fana b'a la.

Ala ye minnu kisi lakolidenw la :

Umaru Mariko, Rokiya Kuyate an'a nogonnaw.

Nka Manasa DAJOKO ko fana ko sariya be se ka hine mogo d'ow la k'a sababu ke ko, damadow ye :

Amara Danfaga : o ye banabagatoye, a tun mankene mankan waati la

Talibe Sumare : o fana tun man kene mankan waati la.

Nuhunzo Jara : ale ta ye nogonye ke baliya ye tow fe kabini mankan waati la.

Jibirili Jalo : ka da a ka sen boli ye Musa ka fanga la fagaliw waati la maristikalo tile 24 san 1991.

An ka sariya bulonba :

Depitew ka laadala nogonye banna sibiri temelen Zanwuyekalo tile 23 san 1993. U ye jamana ka ninan nafolo jate : Sorotaw benna miliyari 188 ma musakaw benna miliyari 204 ma.

Angola kele :

Gufereneman sorodasiw ni Zonasi sawinbi ka keleke cew be fagali la Angola jamana kono. An be don min na ko bi, ben cogo ma soro kele in na.

Bosini Herizegowini

A be waati bo, Seribu ni Korowatiw be nogon faga la. Su caman bora, binni kera muso caman fana kan seribu keleke cew fe.

Iraki ani Ameriki ka benbaliya :

Amerikenw ye tijeli kelraki araba temelen Zanwuyekalo tile 13 san 1993. Mogo 19 de sara a sen fe, caman joginna. O kofe, u ye tijeli were ke.

Peresidan n'o ye Sadamu Miseni, a y'a jira k'a sonna ONI ka mogow ka ninili nisegesegeli ke Iraki keleke minenw kan, barisa kele man di ale ye.

Ameriki :

Araba temelen, zanwuyekalo tile 20, Bili Kilintonni ye fanga ta.

Peresidan kura Bili Kilintonni y'a jira ko fen min ye Iraki kele ye, k'ale be to Zoorisi Busi ka sira kan. Zoorisi Busi de ye peresidanya kala di Bili Kilintonni ma.

Somali :

Zanwuyekalo tile 4, nogonyeba do kera Adisa beba (ECOPI) Somali kele kan. O nemogoya tun be Buturosi Buturosi Gali deboloni ye dijé bëe jamana jekulu nemogo ye n'o ye ONI. Anogonye in kene kan : Somali keleke bolo 14 tun be yen, farafinna tonba n'o ye OYA nemogosalmu Hamed Salimu tun be yen, siiameya dinet tonba (OSEYI) nemogo tun fana be yen k'o da Arabu Jamanaw tonba ani jamana minnu te sosiyalisi ani kapitalisi la.

Buturosi Gali y'a jira ko mogo wëre te se ka somalikaw ka kele in ban, n'u yere te. Olasa, u ka kan ka ben walasa kele in ka ban.

U ka ton sigi laban kera sibiri temelen Zanwuyekalo tile 23 san 1993 Adisa beba (ECOPI) nka ben ma se ka ke kele in banni kan. Hali bi fagali be sen na Somali. Ameriki sorodasiw be ka seginso walasa ositarali sorodasiw ka na u no na.

Liberiya Kele :

Senegali sorodasi 1500 minnu be Liberia jamadenw lakanali la, olu bëna segin so, barisa u ka jamana mago sera u ma.

Mori Dasso ani Seku Umaru Kuyate Kalamene sebenbagaw Bamako.



TAABOLO

An ka jamana kɔrɔnyanfan gelyaw...

Bagan maralaw tun bε baganyaala min k'u sago la, o dabilara, barisa nεmogɔ kuraw y'u kɔ don jamanadenw ka kɔrɔlenw la : fanga nεsinna gufεnemanbaarakεlaw la. O baarakεlaw tun tε fεn dɔn bagan maralaw ka dɔn kow la. O de y'a to Zaki Buñikuri (min ye E.N.D.A nεmogɔbaye), ko : baarakεla caman y'u ka baara sinsin n'u boyɔro dɔnko ye. O bolen, nεmogɔ tun b'a fε ka fanga kuraya n'a sinsinni ye baarakεlaw kan i na fɔ a bε ke cogo min na nansara jamanaw la. Owale in bangera nin fε minnu ye, olu file :

Afolɔ: nεmogɔw yesariya dɔw ta minnu ye gelyaw don bagan maralaw ka taga ni segin na jamanaw kɔnɔ.

U bε sεben caman nininkali k'u la. Onana ni jago dabilali ye.

A filanan: nεmogɔw y'ajira fana ko bagan maralaw n'u ka denbaya tε bagan yaala ke nɔgɔnfε.

A sabanan : Bagan maralaw yamaruyalen tε ka jiri misenninw tige walasa k'u ka baganw

balo.

A naaninan : Yamaruya fana t'u bolo ka yaala ni kεleke minenw ye.

A duurunan : U y'a jira ka fɔko bagan maralaw man kan ka se ni baganw ye kɔgɔ bε ji min na ani fana u mankanka nεnajεba kε n'u ma yamaruya nini fanga lamogɔw fε.

Nin fεn darmado fɔlenw ye fanga sabatili gelyaw. O kεra sababu ye ka gelyaw don fanga ni bagan maralaw ce, barisa ni kεle o kεle donna bagan maralaw ni sεnεkεlaw ce, nεmogɔw b'o diya sεnεkεlaw la.

Okɔfε, kointobεe gelyawali bε tali kε an ka andepandansi faamuyali cogo Burudamεw fε. Burudamεw tun ka sira t'an ka yεremahɔrɔna walewla, barisa yεlemaliw donna u ka fanga kɔrɔlen na n'o tun y'u ka nεnamaya sinsinbere ye. Ola sa, jamanaw ni nɔgɔn ce taama kεra Burudamεw ka baara ye. Jamana nεmogɔw bε siran u nε k'a da kan:

- U t'u ka sigili suda mɔgɔ la.
- Jamana ka

yεremahɔrɔna t'u ka sira ye.

- U ka kεleke minenw b'u kεre la tuma bεe, ayiwa fana u ka kεle bεe bε ke n'olu ye.

Bagan maralaw kɔlɔsili kεra wajibiyε nεmogɔ dɔw fε.

Gelyaw bε jamana nεmogɔw kan kɔlɔsili kεrenkerentigεlila walasa Burudamεw ka walwalanni jɔnjɔn sɔrɔ n'a ma kε ni kɔlɔsili jugu ye.

Zuluyekalo tile 19 n'a tile 20 san 1990, Alizeri, Mali ani Nizeri, o jamanaw kɔnɔnakow nεnabɔli minisiriw ye nɔgɔnye dɔ ke. O nɔgɔnye in ma se ka feεrε sinsinnentigε bagan maralaw ka yεlemaliko la jamanaw ni nɔgɔn ce. Ola sa, jamana saba ninnu minisiriw sirannenw don, u ka kɔlɔsili kana kε sababu ye ka bagan maralaw ka yεlemaliwbali nin jamanaw ni nɔgɔn ce. Fen minnu ye gelyaw ninnu sababuya, olu file :

Afolɔ: bagan yaala yɔrɔw dɔgɔyara, barisa w oroduguyanfan sεnεkεlaw ye baganw yaala yɔrɔ kɔrɔ bεe sεnε.

A filanan : kɔrɔnyanfan jaa bonana.


A sabanan : bagan yaala yɔrɔtɔw tε ladon fanga kura fε i na fɔ a tun bε ke cogo min na lawale la.

A naaninan : bagan maralaw ni w oroduguyanfan sεnεkεlaw ka je tineña. O tineña sababu ye yεlemali minnu donna politiki sira la ani sɔrɔ sira la : sεnεkεlaw bε sεnεfendɔw sεnε minnu bε nafololase u ma i na fɔ koori n'a nɔgɔnnaw, bagan maralaw ka balo sinsinnen bε sεnεfεn minnu kan, olu sεnεli dɔgɔyara.

Nin gelyaw kunbeli la :

- Jamanaw ye jaabi jumenw sɔrɔ ?
- Jamanadenw ye jaabi jumenw sɔrɔ ?
- Jamana kɔfε jεkuluw an'a kɔnɔna jεkuluw ye jaabi jumenw sɔrɔ ?
- Bagan maralaw yεrew ka jɔyɔrɔ kεra mun ye ?
- Ninnu bεe ka jaabiw tun bε se ka ke jumen ye ? U y'u ka jaabiw sinsin fen jumen kan ?

Seyibane Kulubali.



SENÉ KA JI

nugu ye dumuni numan ye

Dumuni numan ko te se ka fo nugu ko.

Denmisénw, muso kónomaw ni muso denbatigiw ani mögo körbawka kanka nugu dun

walasa u farikolo ka barika an'u ka kénéya ni barika soro.

Mögocaman hakili la ko nugu ye baganw dörön de ka balo ye walima balo tanja de be mögo döwbila adunni na. Döw fana hakili la banabagato de ka kan k'a dun.

Nka nugu ye balo ye mögo be se ka min dun don bëe.

Nugu nafa ka ca :

Witamini caman be nugu la. A be «vitamini A» lase an farikolo ma n'a be f'a ma ko «yeelen witamini», barisa a be na ni denmisénw ka nekisew jéyali an'u ka kénéyali ye.

«Witamini A» tanja be se ka ke sababu ye ka denmisénw jéwtijé. Kolosili kéra k'a jira ko denmisén minnu te dumuni dun «vitamini A» be minnu na, olu te yeeli ke kosebe dibi ficiñin na, ani soggomada joona fe ani fana wuladanin fe k'o sababu ke banayen'a be weele «hemeralopi». A be ke sababu ye fana k'u ke fiñe tow ye.

«Witamini A» in . be denmisénw ka kénéya jiidi, a b'u kisi bana caman ma.

Hali n'u banana, u furakeli ka nogo kosebe.

Denmisenniw be se ka «vitamini A» soro sinji fe. Nka ni «vitamini A» te muso min ka farikolo la, o den t'a

lase mögo farikolo ma.

- Nin witamini bölen kofe, witamini wére be nugu la n'a be f'a ma ko «asidi foliki». O witamini de be ke sababu ye ka joli dilan nogo ya farikolo

buluw, puwaworón buluw, beterawu buluw, taró buluw, wooson buluw ani okara buluw.

Kolosili folo : N'aw be jiri buluw tige, aw b'a ke cogo

bëe la, aw kana u tige jiri kelen na walasa ka jiri falenni nogo ya.

Aw be se ka kungokonona jiri buluw fana dun. Jiri bulu döw ka kunan, baga be döw la, olu be se k'aw bana i na fo bananku bulu nogo nnaw. Olasa, olu be tobi keréenkérényala

yanni k'u dun. Jiri caman buluw be dun, nka o t'aw bali k'aw yere kunnafoni kosebe u kan.

Kolosili filanan: Nugu te tobi ka mon kosebe. N'a tobila kosebe, a witamini bëe be taga a toibili ji la ani min be bo tobilidaga la. Nugu tobili minen ka kan k'a datugu walasa witamini kana bo. Aw ka kan ka nugu ke dumuni ye ka di denmisénw ma, minnu be dumuni girima dun. N'u ye sin min dabila, aw ka kan ka dumuni d'u ma nugu be minnu na. Aw be nugu si k'a ji bo, k'o fana se ene k'a ji di denmisénw ma.



soro.

O la sa, muso denbatigi ka kan ka dumuni caman dun, «vitamini A» be soro minnu na.

«Witamini A» te nugu dörön na, a be dumuni fen wérew la, i n'a fo : jew, wooson, karotiw, mangorow ani jiriden caman. A be nono, sefan, kamifan ani binéfana la. An ka kan k'olu dun.

- Witamini wére be nugu la n'o tógo ye ko kénéya witamini. O witamini deseli be na ni farifaga ye. N'a te farikolo minna, o tigilamogo farikolo segelen don waati bëe. Nin witamini be nugu minnu na olu ye bananku buluw, epinari; Situruyilli buluw an'a nogo nnaw. Nin buluw be fanga ani barika

la. N'ale te farikolo la, joli te barika kosebe ani fana a joli be fin dönni, farikolo fanga yere be dögoya k'a tigilamogo ke banabagato ye. O la sa, mögo körbaw ani musc kónomaw ka kan ka dumuni dun witamini «asidi foliki» be min na.

- Nin witamini kofe, witamini do fana be nugu la, n'o ye «poroteyini» ye. Farikolo bëe mago b'o la. A be demisénw mendiya kosebe. O la sa, nugu dun kafisa kosebe.

Aw be se ka nugu minnu sene aw ka nako la, olu file : epinariw, andiwuw, karidi puwarew walima puwarow. Nka aw be se ka jiri bulu minnu fana dun olu file : papaye buluw, bananku

R.R.R.P.D.



DUGUW N'U SIGIDAW LAMINI

Jiriw ladon baara

Sibiri témelen, desanburukalo tile 12 san 1992. Kalamene ciden ni sénékela do ye mansala ke Farabana. A togó ye Usumani Sawadogo. A ye jiri séné damine a ka buguda la. Usumani be no séné nka a be nakó baara fana ke. An kaciden ni Usumaniye négé ne 2 nogonna ke baro la. Usumani ni OAPF/UTS ye nogondon jiriw ladonni sira kan. Pepiniyériw baara de kéra sababu ye k'olu ka je sinsin. OAPF/UTS baarakelaw y'a jira ale la ko

halí kalanbali be se ka pepiniyériw dilan. Kabini o forá, ale fana y'i sinsin u ka baara cogowkankaka nakó pepiniyéri dilan. Kabini ale ye baaraw dámíne, OAPF/UTS y'a déme ni jiri kiséw ye.

Pepiniyéri dilan cogo Usumani fe :

Ale be daganiw jini ka bélékisew k'u kónó, ka tila ka cencen k'u kan. O kofé, a be bogó k'olu fana kanka laban ni cencen ye. Jiri kiséw be dan daganiw kónó. O bëe kofé, a be to k'u sonji la, sijé 3 walima 4 tile kónó. Nka ji caman ni tile ma jí jiri kisé ninnu ma. A pepiniyéri be son ni winegiri bidon ficiñin sogó sogoléne ye walasa ji kana caya dagaw kónó. Pepiniyéri sonni senfe a be winegiri bidonni woba folo datugu.

Nijirikisew falenna, ka janya dönni, a b'u bo k'u turu mananinforokow kónó, a b'o



dilan ni bogoburyeti ne 9 ni cencen buruyeti ne 3 ani nogo (angeri) kilo 3 ye. O kofé, ale be jiri turu mananinforoko kelen kelenna bëe kónó, ka to k'u sonji la, o b'a soro a ye geficinidójomananinforokow sanfe. Sijé 3 walima sijé 4. Jiriw be son tile kónó. O jiriw be turu samijé fe zuluye walima Utikalo la.

Nka n'u be turu, mananinforoko juw be tige ka b'u la ka soro ka jiri turu OAPF/UTS ye Usumani démenijiriwnijirikisecaman ye : a ye ekalipitisi (sinuwamantulantonjirinin), melina (takala jirinin), tómónóani jiri caman kisé. A y'a ka nakó kori ni OAPF/UTS ka jiri séné liye. Ukiwé fana be se ka feere.

Wa bagan te se ka tinele ke nakó korilen in kónó. Usumani kelen be k'a ka foro lamini ni ekalipitisi ani melina ye walasa foro dan.

ko mankan kana don ani mögo ce. Ojiriw te sonji la. A be jiri 2 de turu metere kelen janya kónó, nka nakó korili jiri ye jiri 3 ye metere kelen janya kónó.

Usumani ko k'ale ni OAPF/UTS ka je sinsinnen don kosebe. A be weele bila sénékelaw ma, u k'u cesiri jiriwladonni la, barisa a nafa kaca. Ale jigi be OAPF/UTS kan.

Ale ka foli be OAPF/UTS ani Kalamene baarakelaw ye.

Mori Dawo
Kalamene

sebenbaga Bamako

Boko soro songo :

MALI

kalo Wooro	sefa	120
San kelen.....	sefa	240

farafina

kalo wooro.....	sefa	240
San kelen.....	sefa	96
farafina kofé jamanaw kalo wooro. sefa	960	
San kelen.....	sefa	1920
Demeli sanni :.....boko kelen sefa	60	

Boko jenseñemogo : Boko KEYITA

Boko jenseñemogo kankorosigi : Seyibane KULIBALI

sebenñemogo : Mori DAWO,

sebenñemogo : tilanan : Cemoko JALO

sebenñekulu : Seyibane KULIBALI, Bobo KEYITA

Baba SISUMA Mori DAWO, Seku Umaru KUYATE, Darahamani MaYIGA

Boko cekala : Bobo KEYITA

Boko sebenñenabobaga : Seku Umaru KUYATE ni Baba SISUMA

jawkebaga : Karimu JALO

Boko labenyooro : Kibaru

Boko sebenyooro : Kibaru

Boko hake min bora : 5.000

Boko sigiyoro : Kati

Boko lasigiso : Kolo togó be so min na Tomikorobugu

Bamako

BP : 3041 walima 2805.